



SAOPŠTENJE ZA JAVNOST - PROJEKAT

Sarajevo, 21.06.2013. godine

Okrugli sto "Dobre prakse i politike u borbi protiv homofobije"

U Sarajevu je 20.06.2013 održan okrugli sto na temu „Dobre prakse i politike u borbi protiv homofobije“ koji je otvorio diskusiju o položaju i stanju ljudskih prava LGBT osoba u BiH između predstavnika institucija te ljudskopravaških aktivista i organizacija civilnog društva. Okrugli sto je organizovan u okviru projekta "Coming out! Zagovaranje i zaštita prava LGBT osoba", kojeg implementira Fondacija Heinrich Böll, ured za Bosnu i Hercegovinu, zajedno s partnerskim organizacijama: Sarajevskim otvorenim centrom i Fondacijom Cure, a finansira Evropska unija. Glavni cilj projekta je zagovaranje i zaštita prava jedne od najdiskriminisanih i nevidljivih grupa u bh. društvu – lezbejki, gej muškaraca, biseksualnih i transrodnih (LGBT) osoba.

Panelisti otvorenog stola su bili Jovan Kojičić, savjetnik predsjednika Vlade Crne Gore za ljudska prava i zaštitu od diskriminacije, Goran Miletić, direktor programa za Zapadni Balkan u Civil Rights Defenders i panelistkinja Jasminka Džumhur, ombudsmenka BiH, a moderator okruglog stola je bio Saša Gavrić, izvršni direktor Sarajevskog otvorenog centra.

Diskusiju je otvorio Holger Schroeder, šef operacija u Delegaciji EU u BiH porukom da se u Evropi tokom prošle decenije postigao veliki progres na polju borbe protiv diskriminacije na osnovu seksualne orijentacije. Podsjetio je učesnike okruglog stola da su zakoni i politike Evropske Unije zasnovane na jednakosti i nediskriminaciji kada je u pitanju seksualna orijentacija i da je takva diskriminacija zabranjena u EU, te da je Bosna i Hercegovina, kao članica Vijeća Evrope, dužna da provede Preporuku Vijeća Evrope o mjerama borbe protiv diskriminacije zasnovanoj na seksualnoj orijentaciji i rodnom identitetu.

Predstavnicima institucija iz sektora provođenja zakona, zdravlja, pravde, obrazovanja zajedno sa predstavnicima civilnog društva su imali priliku da slušaju i razgovaraju o iskustvima i dobrim praksama iz regiona. Jovan Kojičić je predstavio iskustva Crne Gore u borbi protiv homofobije kroz Vladinu strategiju unapređenja kvaliteta života LGBT osoba za period 2013-2018. godine i Akcioni plan za 2013. godinu koji podrazumijevaju konkretne mjere zaštite ljudskih prava LGBT osoba. Goran Miletić je dao pregled stanja LGBT osoba nekad i sad u Srbiji, prateći razvoj LGBT aktivizma i odnos srbijanskih vlasti prema zaštiti i pravima LGBT osoba, dok je Jasminka Džumhur podijelila iskustva institucije BiH ombudsmena u zaštiti LGBT osoba u Bosni i Hercegovini.

Zajednički stav panelista jeste da je potrebno imati strateški pristup promociji standarda ljudskih prava i raditi na uvezivanju praktičara i akademske zajednice u cilju osiguranja stalne edukacije osoblja u institucijama. Također je potrebno preduzeti sve potrebne mjere za sprečavanje i zaštitu od svih oblika nasilja i uznemiravanja vezanih za seksualnu orijentaciju i rodni identitet, s posebnim naglaskom na istraživanje i propisno kažnjavanje takvih zločina. Podizanje svijesti šire javnosti o problemima i potrebama LGBT osoba u Bosni i Hercegovini je također ključno za smanjenje homofobije u BiH.

Za više informacija, molimo kontaktirajte:

Fondacija Heinrich Böll za BiH:

Maja Lukić-Schade, voditeljica projekta, tel. 033 260 450, email: maja.lukic-schade@ba.boell.org

Sarajevski otvoreni centar:

Emina Bošnjak, koordinatorica projekta, tel/fax. 033 264 421, email: emina@soc.ba

Fondacija CURE:

Vildana Džekman, koordinatorica projekta, tel. 033 264 420, email: vildana@fondacijacure.org

HEINRICH
BÖLL
STIFTUNG
BOSNA I
HERCEGOVINA



Ovaj projekat provodi
Fondacija Heinrich Böll, Ured
za Bosnu i Hercegovinu

Čekaluša 42
71000 Sarajevo, BiH
Tel: +387 33 260 450
Fax: +387 33 260 460

Ovaj projekat finansira Evropska
unija

Delegacija Evropske unije u Bosni i
Hercegovini
Skenderija 3a
Sarajevo 71000, BiH
Tel: +387 33 254 700
Fax: +387 33 666 037

Evropska komisija je izvršno tijelo EU.

„Evropska unija se sastoji od 27 država članica koje su odlučile postepeno povezivati svoja znanja, resurse i sudbine. Tokom 50 godina proširenja, zajedno su izgradile zonu stabilnosti, demokratije i održivog razvoja, istovremeno zadržavajući kulturne različitosti, toleranciju i lične slobode. Evropska unija je posvećena tomu da svoja dostignuća i vrijednosti dijeli sa zemljama i ljudima izvan vlastitih granica“.